

摘藻堂四庫全書薈要

集部

欽定四庫全書蒼要卷一萬三千四百五

集部

御製詩二集卷七十八

古今體一百二十一首

戊寅四

孟夏時享

太廟

肅穆躬時享律惟中呂應

開基溯天造綿禩願雲仍禮樂

祈來假几筵

儼若憑觀

光誠有志明義究何曾

雩祭齋居

剛過

夏禘致追思即值虔齋

雩祭時敢恃霑膏優往歲益殷祈稔凜先期座遷燕寢
興居肅味徹腥辛淡泊宜蜀望誰能不萌志雲生還切
沐

恩滋

詠木根筆筒

天然嵌穴玲瓏中
函石子不可離亦奇物也

奇木函文石剛柔利永貞
斲雕辭郢匠沐伴陶泓形
寫孤峯秀用供棊几清珊瑚
將翡翠渺矣謝天成

題張宗蒼山水畫

一幅河陽行旅意精神盡入格
真齊客情石棧驢還怯
人跡霜橋鷄早啼
名利問誰能盡除
去聲端倪饒爾善全

提呼之欲出猶然在乘空何妨爲補題

雩祭禮成敬述

昨歲南巡代祭儀弗躬近簡悚然思覘辰爰舉

明禋典建戊還祈豐楙綏已慶千圻春雨足更看六宇

夏雲垂霑

恩敢數希

恩霈苗碩莫知念在茲

即事

膏雨今春信應期
綠疇千頃潤含滋
希當芒種澤霑頴
益慶麥秋香滿匙
自解詎應例徃歲
先憂仍復切斯時
邇來朝暮生雲縷
何事終風作惡吹

時哉行

時哉時哉古胡爲而亟去
今胡爲而亟來來者不可駐
去者不可迴百年三萬六千日
在呼吸間瞥眼纔貪夫
狗財烈士狗名彼勝於此
渭濁涇清未可忘物漫云齊
年惟予月將日就君子夕惕
朝乾豈無達語非法不言

難易辭

以小制大易黃腰啖虎心以大制小難雄獅懼蝨侵以
柔克剛易餘甘勝黃金以剛克柔難齒壞舌惜惜以石
投水易淺言旋復深以水投石難白公空進箴以黑染
白易墨子悲不禁以白染黑難枉尺而直尋以已從人
易轉圜古所欽以人從已難凜乎朽索臨

擬古意

中庭一樹碧桃花東西飛落隣人家東隣阿嬌貯金屋

畫眉夫婿金張族退朝綺宴花拂筵歡爲替花回曼睩
西隣女兒獨含悲良人遠戍無歸期誰謂含悲對花落
花落紛寧如淚垂可憐同是殘英瓣一悲一歡不相見
方方壺雲山圖

金門羽士駕雲山員嶠方壺縹緲間本是三生來往處
挈舟期去不期還

詠玉熊

運睛善緣立吐舌欲舐澹本是翠微守莫言紫褥薰珍

惟荆客識祥叶太人占特達深資處和丸績學潛

日日

日日輕輿尚乘供欲聊屨步竟無從善窺爾固稱勤事
七發中言惕動容

急雨

急雨隨風度飄飄勢未綿惜雖施欠足愁爲望求全已
是麥臨夏徒觀柳宰烟西山雲又吐今夜擬無眠

三五七言

敬

天命爲君難明德親九族求賢任百官
劬農祈歲惟懷永旰食宵衣敢自安

文徵明溪亭客話即用其韻

絡石飛來瀑水長
澆然清聽滿林塘
劇談想是羲皇上
邇涉世間炎與涼

即事

暮春兩霑霖
逢歡弗敢喜
入夏纔過旬
望澤先愁矣
族

雲雖屢興陣雨常驟止長此再十日麥收仍半已乃知
患失憂勝患不得幾弗喜未放心先愁致何以或此云
未放即放而已耳

聞山西得雨

畿輔春雨霑三晉頗望澤慰近弗忘遠遙爲愁惻惻彌
月此亦旱待潤日如炙乃聞山右霑慰不勝憂劇苗而
秀將實不雨則無麥常年詎宜例春恩殊可惜翹雲夜
繼旦展轉以反側

詣

黑龍潭祈雨

麥收三月語虛談祈

澤仍茲叩碧潭每到有求

神亦倦

用蘇東坡語

惟誠斯格我猶慙民依自昔相爲重

天寵由來未敢貪切切陳衷引領望密雲嘉霽

霈恩覃

陣雨

四月二十八日

陣雨未踰寸炎風乃終朝益不抵所損怒馬看穉苗麥
竟如常年孰謂徵農謠禾黍亟待澤顛望愁無聊調幕
愧多乖何以酬民勞譬如始與之終斲人則說我以惕
爲政我仍顛霈膏

雨六首

五月初
三日
夜

邇日作勢雲頻生風吹散之徂縱橫明知將雨未雨際
巡檐佇望難爲情

佇望巡檐立欲倦楞嚴有云瞪發勞飛廉聲息豐隆作

而何微冷侵衣袍

微冷有似雨意來更畏冷過雨勢迴氣機已動懼復止
憫農惕息良愁哉

細絲入夕纔飄墜時密時疎時復置隔花宮漏乙夜傳
欹枕反側誰能寐

不寐樓頭四鼓傳溜簷瀑響隔窓懸雨方定矣疑未定
所爲祈求日久延

祈久憂深慰亦深敢云即慰虞放心曉將聽政宵衣起

是日御
門理事
達旦濛濛更作霖

初四夜復雨

作解微停晚復陰涼侵衾枕聽簷琴仍希仍咎不知足
即慰即虞或放心稍救麥秋京兆奏敢忘雲漢浹旬吟
自思那有不憂日惟益孜孜凜亦臨

端陽日侍

皇太后觀競渡

今歲龍舟罷已拌

天教甘霽助

慈歡庭榴戶艾迴生意桂棹牙檣續舊觀望去油雲還
淦淦落來絲雨正漫漫黃頭慢自虞漸漬益善多多此
未安

丁雲鵬東山圖

翠森紫邏鬱孱顏秀色臨安想像間風宇未如文靖者
優遊詎可學東山

詠玉人牧駝

漢玉駝蓋炎劉時物也命玉工製人立其旁儼如

司牧狀

茂陵劉郎志吞胡匠肖胡產琢瑋琤用誌弗忘置座隅
千年出土雙峯孤如聞鳴圓過塞途金鈴續屬何須渠

配以司牧事例朱

元朱德潤考古圖載至治中趙伯昂得古瑞玉馬姚牧菴以黃玉人贈之

爲副如司牧者茲畧仿其規制云

試問氏族奚答諸是人性李非姓蘇

詣

黑龍潭謝雨

前旬望澤忙麥秀槁將黃幸得

天恩霈均知

神佑彰歷觀起槁意仍冀繼霈祥怒矣常隴蜀艱哉若
雨暘

遊大覺寺

暘臺雖在望大覺未頻臨又已逾年別

去年未
曾至此

率因得

雨尋山田迴綠意野鳥空

去
聲

塵音調御端然坐於凡不

染心

靈潭深見底，沁水碧於油。既曰常施澤，何須更待求。

時旱

每於求
雨輒應

源真白雲表，池在絳樓頭。導下爲飛瀑，層巖振

鷺流

峯標空外色，竹是靜中喧。摩詰向觀世，南陽此討源。法
雲衣上潤，天籟座端翻。何必同僧話，由來無可言。

河南巡撫胡寶瑤奏報得麥詩以誌慰

豫民洊臻饑，向隅非一日。察知亟調救，宵衣廛苦疾。發
帑及截漕，大吏俾勤卹。更求致災故，率爲水利失。簡能

佐方伯

豫省水利命侍郎裘曰修會胡寶瓌經理

源委閱以悉支幹相灌輸

豫地向無溝塘雨集則田皆積水雨過則田皆澇水而地多旱種久浸輒傷近議棄積窪以爲豬蓄之所又廣疏橫直小渠節節引支入幹俾河北諸水蕪入濟沁等河河南並濬賈魯惠濟巴溝等河以納衆水兩河之間水患畧除矣

毋致行潦溢昨秋大舉工今春方告畢貧民工

代賑價令獲一律借種麥早播登場慶比櫛稍賴接青黃詎盡還家室獲慰以爲慙秋收况難必

嵇璜夢麟自南河復命詩以識事

嵇璜及夢麟分任而同事麟也治上游泛濫防徐泗璜

也疏下流五湖節宣備洪澤乃巨瀦宜導不宜積導則

順勢赴積則虞奔潰巡訪親所得因以示大意推行在

悉心求妥毋厭細經年工已竣積潦率涸地下河去歲

收淮麥今春藝歲事胥歸朝于行信勞勩功均在萬民

輿誌傳所自况今司水土冬官實卿貳

時嵇璜爲工部尚書夢麟爲工

部侍郎

成竹具於心中

去聲

要佇嘉議勗爾夙夜共佐我平

成治

河東總河張師載山東巡撫阿爾泰奏報伊河水

勢及金鄉魚臺等州縣涸地情形詩以誌事

前歲河決孫家集狂瀾雖排沙乃停微山湖水致倒漾
連延數郡遭灾星吾民非魚罹昏墊經年不得事春耕
詎待監門繪圖告中心藏之鳩鵲形賑濟無過救目下
爲求除患謀經營伊河減水云捷徑議實倡自鶴年成
亟令相度大疏剔而何騎尾賢勞傾責成繼任舉善政
一月一令郵書呈自冬徂春工乃就湖水直下如建瓴
棄水二萬餘頃地涸出萬六千頃羸是皆播麥盼夏熟

餘俟晚種秋田登南望額手爲民慰誠永逸乎猶難憑
侍郎表曰修安徽巡撫高晉奏報上江水利告竣

得詩十四韻

安徽東北鄙實介豫淮中黃瀆地極北洪湖天塹東衆
川如有阻大壑致難通泛濫誠堪畏流離害莫窮勢雖
未經目患每厓於躬爾晉惟方伯曰脩汝亮工事因和
始集理以晰方融更漫辭勞勩須相勵諒忠流疏濶

河

茨

河

淺沙濬翟

橋

洪

河

隆瀦預陵崔孟

三

湖

潦消靈宿

名

虹

三縣名

孟冬初雇役首夏告成功
災後代資賑圖長計

慎終允能體予意庶略起民瘡
永念剔髮蹟瞠乎敢曰

同

趙孟頫夏木垂陰

樹如張蓋山如滴楮架茅齋
俯碧泠水晝同人一商榷
應緣定武獲蘭亭

西直門外

清曉輕輿趁爽移
法宮又屆致齋時
麥秋禾黍新霑雨

雖是迴蘇尚待滋

石街廿里綠陰稠歲久歌頽事重

去聲

脩所為往來供職

者夏霖車馬便經由

細雨

五月十四日

雲氣今晨密因之冀澤重剛欣霏淅淅所惜暫零零况已十朝逮原非一尺濃饑憂將渴望都大為三農

夏至日有事於

北郊禮成述事

方澤年年祭必躬敢緣暑候懈虔衷大昕因下修
殷薦北至惟時報巨風三獻庖升四足鼎八成樂叶七
絃桐瑞雲已自敷祥霏願霈

鴻施遍錫豐

驟雨

五月十七日

陰晴屢易灑廉纖佇澤徘徊愁轉添作解忽聞起西北
流膏倏見落欄檐度入時惜祇初申過劓地欣纔三寸
霑豈不慰思仍切望無端露出遠山尖

鷺子

天鷺本野禽畜園囿者伏卵得雛爲艱致今春乃
 育六雛淋滲初生羽老鷺引入池銜水藻飼之倦
 則負之背以行揭爾憑觀輒題以句

天鷺引子下晴灘
 羽翼何辭力畢殫
 爭赴稻梁嫌盜窄
 恐傷毛羽著籠寬
 褻褻逸態宜詩詠
 顧復真情入畫難
 怪底會稽王內史
 蘭亭終日倚欄看

題鄒一桂花卉二種

垂絲海棠

揚猗別致總低垂
借助濛濛細雨披
設向楊家題小字
應爲剪髮感君時

芍藥

春風夏雨儘敷榮
全體花王祇畧輕
便擬人前許呼婢
亦應家是鄭康成

夜雨

五月十九日

殷雷入夜不停聲
嘉霽旋聞窓外鳴
三峽捲來簷上瀉

終宵聽去枕邊清禾塍黍隴應迴潤蕉軸筠琴總愜情
慰即不無敢云喜永懷損益驗謙盈

夏日討源書屋

溪堂清謚問

安迴視政餘閒芸帙陪又是常年夏清候金萱雨後幾
枝開

夏日昆明湖上四首

雨後明湖偶漾船漲生新水激輕烟一心都大因農慰

萬景由來觸目鮮

綠潤青澆過雨餘今年湖景
舛酬予誰知夜望朝愁裏
送却三春及夏初

耕織圖邊川路斜綠陰雷
雷接桑麻溪塍水足插秧罷
却慮西成日正賒

桂楫蘭橈緩緩移玉泉可
達不多時黃頭擬往教中止
曰放心防即在茲

袖嵐書屋

玉泉權罷去登陸仍餘閒山陰有佳處牝谷穿林關徑
造峭蒨幽颯愛襟袖寒始悟真境迴寧祇書屋寬

構虛軒

別峯最上層虛榭雅堪憑與顥氣俱爾知祝融幾曾博
疑逢子晉嘯或聽孫登理趣將詩境於斯識妙凝

靜佳齋

堯峯如沐翠環齋蓮漏初聞報已脾夙愛子西詩句好
分明今日識真佳

題金廷標畫

跣足科頭書在手罷釣扁舟艤綠柳清音山水似延溪
伊人可是陵陽否

夕烽用杜甫詩韻

按唐六典鎮戍每日初夜放烟一炬謂之平安火
夫燔燧舉烽以報警急非可常有之事而日日行
之乃至平安不報潼關失守則其時可知矣偶讀
杜詩因而步韻

放烟初入夜一炬達長安斥堠常窺伺關山多破殘那

辭失誤罪

杜臆云失報有罪誤報亦有罪蓋其時功令

可識接傳難治亂當

時况了憑詩史看

二十一叔父慎郡王輓辭十韻

同庚亦契韻年少久相隨

膝下陪聞禮

床前領弄飴後來雖各學時復有聯詞

見樂善堂全集

及我

親機政惟

王合表儀

乙卯冬由貝勒晉封郡王

嘉言聞進牘碩畫見司旗

曾命管理

旗務

閒趣兼工畫清辭獨剩詩晚年務置醴

用杜甫句

雙鬢早

添絲都爲

去聲

一兒棄遂教百事隳未能規子夏因與繼

孫枝

王早失子無嗣因命皇六子出嗣祀事

叔輩晨星在顧瞻寧弗悲

題張宗蒼雪景

板橋驢背閱山姿收雪奚童破冷隨小閣烹雲試顧渚

端教傲得党家姬

詠玉茶椀

于闐何必購奩環通貢薄來每厚還保定不期致遠域
琢磨亦復藉他山示禎碧落星辰表延喜明廷樽俎間
漉雪浮香真恰當思推解渴福區寰

雨

五月二十六日

宵旦陰雲醞釀佳沛然靈霽落辰脾不徐不疾溜垂細
過午過申潦積皆繼澤還欣勝前此流膏所喜達根荻
稻塍黍隴芄生意慰矣惟饒敬畏懷

題養正圖

寢門視膳

寢門日三朝問安承色笑失常心誠憂膳徹詢所樂允
哉風人頌爲子止於孝

膳斥鮑魚

教子乃稱慈莫要於擇師公望徹膳關云非禮所宜助
教屏邪蒿依然直道遺

賑貸貧民

富民信善言發倉不宿善如傷本夙衷豈待溝壑轉高
山切景仰疊疊中心勉

丹書受戒

顯頊道匪遙端冕丹書勘敬義及怠欲所爭勝一念詎
惟誠寧王萬古垂君鑑

臨朝四輔

道充與弼承環立咸惟聖得一已爲艱求四其奚稱能
不聽朝乎蒿目惕以敬

桐葉封虞

桐圭命擇日史佚箴戲言盡美未盡善宗元有讜論所
嘉在從諫其事可兩存

自結履繫

繫解因自結於士信愛敬豈無僕隸人足以供使令宣
尼亦有言文譎而不正

亟用賢人

炳火爵衛客舉之牛口下固宜羣臣爭孰非入朝者不

以小亡大卓論千秋寡

戒君節飲

飲君致君樂籩豆能無亂卜晝未卜夜不過能救半傳
稱兼仁義阿好乃過贊

善言格天

移相及民歲孤立將馬託載拜賀善言天高聽早諾三
舍廿一歲或亦失穿鑿

夫婦如賓

躬耕妻饁餉相敬如大賓白季因識缺薦賢掌下軍燕
好慎動靜鼎來還誠君

託相獻規

善相善觀友吉惟自取耳荆君悟其言虛懷收俊士雕
顏笑蔡澤唐舉真小矣

廷理執法

茅門擬應舉入者必下車廷理雖執法御者誠何辜蹂
雷至戮人荆刑亦甚乎

仁言動衆

巡軍慰勞寒士如挾纊暖行師固尚義濟仁用衆本舍
鞭語子革相去豈不遠

因樂求賢

臨觀非德義其樂未爲廣勸善以戒惡輔導資忠謹晉
侯誠渴賢司馬應上賞

得賢弭盜

士會實晉彥黻冕登廊廟進善不善遠秦乃藪晉盜武

仲對季孫亦稱知政要

敬器示戒

周廟右座器非尊亦非爵宣尼闡明訓義富其言約惡
聲平有滿不覆凜乎御朽索

金人示戒

廟階立金人緘口銘其背言鄙中事情如臨師保誨於
恒尚慎茲矧其爲綸綍

叶

賤貨尊賢



崇堂列賓筵鳴玉白珩訊譁囂非楚寶英賢斯登進王
孫誠善答簡子乃失問

泣思直臣

層臺俯洪波酣飲樂乃泣舍死無諤諤紂亡在默默邑
君尚憶忠天王可遠直

詢求政術

蹇老箴安于忠信及敢矣心緩宜佩弦此物此志耳用
是治晉陽推行耀惇史

誅絕佞人

逢君善順承進過巧無比六年不爲暫曾未進一士樂
激信佞人致之者簡子

咨訪相材

枚卜問李克克曰觀所進商賢端不肖成因佩相印課
臣在尚賢國治天助順

式問禮士

式車過段問尚德乃下已欲相干木辭致祿國人喜禮

賢非務名秦兵還爲止

政術諭下

之任示三端要在手親辨誰非入晦者久乃愈明顯治
鄴人不欺文侯教實善

雨不失期

飲樂天復雨宜止乃命駕期獵往罷之皮冠招豈詐綸
綍慎所出令名繼五霸

旌賢去姦

委政國未治寧無蔽下情毀譽防左右實蹟使按行烹
阿封卽墨齊威信英明

敝袴待功

敝袴命藏之云待有功贈雖多渴賞人聞之更誰應嘖
笑固宜慎袴賞陋且佞

井窺示警

聽行貌雖醜待者阿姣麗說鏡而惡士明已不知類鄙
忌曾發端同歸此一致

教子務學

隆準起山東得之以鞍馬省書知大意非務章句也誰云不喜儒乃慕真儒者

條陳故事

弱翁相孝宣條奏廿三事意不在紛更謂古今異制勸重農圖備更爲識要義

嘉獎勤學

定陶初好學習法律文辭加服遣之國旌勸傳一時入

繼政乃亂虛名害可思

下車問疾

十歲通春秋啟迪誠善矣家居屬有疾擁經而前視永
平有實政重道復如是

遣使質疑

魯論傳細君授帝承寵遇遣使常質疑研精窮理趣面
咨乃未傳或亦同溫樹

愛惜郎官

賜錢惜郎官不俞館陶求百里苟非人民將罹困憂恩
義兩無害顯宗策允周

託物喻政

抱兒獻水薤意各有所喻恤孤清擊強仲遠實善悟淳
于說鄒忌微言導先路

禮聘遺賢

東帛聘南陽降殿問失得爾時政多疵未聞匡濟策白
駒固休風虛名亦奚益

師事名賢

林宗告童子當精義講書照對人師難如絲附藍朱躬
行勝佔俾識超成人殊

教子讀書

勅子讀諸書純駁似相間迪德在救失固亦有所見手
澤依然存終焉竟亡漢

傷指自悲

宣子甫十齡傷指改容悲毀傷即不孝誠非爲痛啼忘

身及親者可以翻然思

運甓習勞

朝暮運百甓習勞歷厥躬疊不遑暇逸詎學清談崇昭
烈歎髀肉有志後先同

不賣的盧

相馬語誠信賣之禍延人叔敖有芳踪毋寧害己身顯
達埒王公乃惡元規塵

觀獲進規

觀刈固甚快速刈則甚勞胼胝歷三時錢鏹始一朝實
言寧爲讜何致握手蕭

投籤警寐

布衣據江左人情悉賢奸猶自勤庶政投籤警夜眠開
創率無逸守成鮮知艱

弓矢喻政

弧矢少所御尚未盡其妙况乎治理微更宿因頒詔文
皇善絜矩萬古垂政要

闕館親賢

弘文聚四部時彥引六人不惟研經史政務兼諮詢固
宜貞觀治幾與成康臻

習射殿廷

撥反時已平暇猶引衛士云不以穿池爲師教弓矢納
諫帝所長詰戎又如此

崇師問道

聞之古人言忠孝非二事珪以對魏王可謂知要義所

習在爲善此物猶此志

上書減膳

虧膳盡宰職申減據戴禮引過致答謝孝敬固賢矣三
復黃臺瓜高宗昏無比

觀圖自警

出入省無逸開元治臻泰天寶相李楊乃以山水代有
初鮮克終萬古垂明戒

煮藥然髮須

薛王屬有疾煮藥然帝鬚病痊鬚何惜史傳頌友于友
于貴中庸僕寺豈一無

克己任賢

攬鏡忽不樂殊瘦因相休貌瘦天下肥乃爲社稷謀敬
肆一念間播越亦已求

獎勸循良

元宗初勤政每自擇刺史宋州宴從臣舉酒褒冠泚惟
良二千石課吏宣同揆

樂受格言

養身惟寡欲治世務愛民內聖與外王言實而弗文藝
祖書之屏可謂善尊聞

散遣宮人

唐宗放三千宋祖惟一
百數匪減前人三百守宮掖怨
曠內外鮮善政光史策

遵守舊章

屏後二大甕以置投文簡滿即焚之衢相業普亦顯固

云慎無稽得無失從善

論字知非

諭德諭以德顧名當思義所繫在宗社詎必工文字子
明信良規士遜能觸類

常讀論語

報罷讀論語普沆先後同可謂識大體更張非所工水
旱日疏陳太初尤醇忠


焚香告天

避驄權幸凜知蜀琴鶴友每夜露香告得曾同者否不
可對人言君實未曾有

借事納忠

孝先銓錄古弱侯此津逮納忠如一轍詎在丹青綴可
以鑑千秋躬行慎自勵

御製詩二集卷七十八



總校官庶吉士臣侍朝

校對官中書臣馮培

騰錄監生臣任頴

欽定四庫全書薈要

集部

御製詩二集卷

七十九
八十

詳校官原任編修臣徐立綱



欽定四庫全書薈要卷一萬三千四百六

集部

御製詩二集卷七十九

古今體六十七首

戊寅五

急雨口號

五月二十七日

細雨淋終朝優游饗飫蘇新苗今日急雨盆傾快

沛然莫禦盈溝澮爲學何必異乎斯處女脫兔境異時

一張一弛文武道叶吾亦因之悟政要蟬竦在東莫敢

指陣雲淨捲天如洗

溪亭對雨

倏忽河源靈雨傾
溜簷椽下萬琴聲
溪亭颯景故如此
何事今朝始愜情

半藏柳外新螺黛
全濕松旁老鶴翎
稻下黍高憂始釋
得教閒興賞溪亭

急雨飛空晴亦急
明霞幾縷晚涼新
一時靜攬生清會
揚厲終輸蘊藉人

題鄒一桂花卉

衛足

葵

忘憂

萱

趣各殊剪絨

石

綴火

石

態皆都中逢

百合

一種聯芳意合喚天中五友圖

題董邦達山水

槎枒古樹石嶙峋茅屋空空壓岸唇
泌之洋洋飢可樂不知將以付何人

六月朔日偶然作

北至晷漸轉南畝雨亦足代謝無停息
寒暑有起伏將

冷暄必然

前

冬至

欲涼炎更毒

後

夏至

于焉識橐籥用以謹

機軸

幸過望雨愁又臨暑雨憂誰云此一室而恒厘九州楚
吳報插秧豫齊登麥秋以前兆固佳以後期還悠奏書
每稱慰知我真慰不

朱明日正遲雨後生涼颶廣廈那知暑漏永讀書時鏡
古每思艱契理亦解頤薰風長養候茂對寧不怡怡寧
抵憂長翹然念西師

西師

西師歷四載王臣久于役誰無室家心而能忘契濶始
緣赴機動操刀乃必割終以阻遠艱舉碁忌屢易欲罷
又未能永言誌顛末

皇祖征朔漠即此厄魯特三番整六師狼羣始窘迫策

妄退守巢予以延喙息取馘索賊子惟命無敢逆

噶爾丹兵

敗仰藥死其子脫身逃竄時策妄阿拉布坦鼠
伏一隅畏威報德獻出逆屍不敢容留逆子

厥後漸

滋饒遂復劫西域

策妄阿拉布坦逞其詐力勢漸強橫
計誘拉藏汗以女妻其長子丹衷襲

殺拉藏汗大肆劫畧我師抵西藏其酋帥大策零敦多
卜始引衆歸巢大策零敦多卜即今達瓦齊之祖爲策

妾族
兄 終康熙年間蓋未止兵革

皇考闡

前猷思一勞永逸兩路命大舉帑藏非所惜究因時弗

輾勝敗互軒輊

雍正年間西北兩路駐兵賊以送還羅卜藏丹津爲名又值西帥入覲劫竊西

路馬羣因藉所獲馬力跳梁北路勢甚猖獗後爲額駙策楞擊敗於額爾德尼招幾至匹馬不返而將帥之臣按兵不追賊衆得以免脫我武既揚遂有罷兵之議 曰予守

成訓罷兵事安戢稔知賊所恃其長有二術一曰激我

怒勞我衆遠出彼乃邀近功坐絀我物力一曰窺我邊

列堠疲戍卒戍久心或懈彼乃逞陵軼知然明告彼以
主待其客遠兵既罷征遠戍亦罷撥近邊汝或伺汝遠
勞竭蹶噶爾丹策凌聞言乃計詘得失故曉然求和使
來亟來亦弗之拒厚往示恩澤如是終彼身無事皆寧

謚其子曰阿占

即策妄多爾濟那木扎爾之乳名

暴虐莫可詰用是失

衆心相延爲篡奪喇嘛達爾濟戕彼位自襲達瓦齊攘

之計蓋由撒納

喇嘛達爾濟既篡阿占而奪其位達瓦齊偕阿睦爾撒納奔哈薩克藉其聲援

復篡喇嘛達爾濟皆阿睦爾撒納爲之謀畫蓋欲自取也

綽羅斯汗族達瓦齊一脉

阿睦爾撒納輝特別枝葉時慮衆鮮從以此綴旒設終

不忘伊犁

伊犁蓋四衛拉特會宗之地也

煽亂事狡譎達瓦齊弗甘兵

連禍相結惟時三策凌

都爾伯特台吉策凌策凌烏巴什策凌孟克恐禍及已率所部

來避禍來投闕撒納旋亦歸寵遇厠班列熟籌如許衆

雜居喀爾喀如狼入羊羣幾不遭啣嚙就其力請師毋

寧授之鉞

阿睦爾撒納歸命乞師朕思機既可乘而新降多人若盡處我喀爾喀之地終非長策故

定議出師遂命阿睦爾撒納副將軍班第以往

國家全盛時出帑儲胥挈曾弗

加賦徭更未廢賑恤八旗及索倫勁旅多英傑其心盡

忠篤其枝善撒揆那如杜甫詩慘惻新婚別乙亥我出師一矢曾未發五月大功成庶以慰

前烈而何狼子心飽揚去飄瞥留語啖衆狙倡亂動戈

戟致我二臣捐驛路肆唐突

阿逆潛蓄異謀於達瓦齊就擒大兵凱旋時即流言

脅衆黨惡之徒倉猝變動班第鄂容安同時致命疆場賊衆紛紛四出竊占伊犁截斷臺路

羣言益

蜩蟬無怪懦者怯欲棄巴里坤堅志斥其說整師重討

叛所向復無敵一二畏首尾乃致賊兔脫

大兵復進前徒倒戈阿逆

衆叛親離成擒在邇乃因將軍軍策楞恭贊玉保等不和又無克敵致果之畧阿逆得以亡命

申命事

窮追大宛搜三窟於詐應以直殘喘命得乞

哈薩克汗阿布賚始

意欲留阿睦爾撒納大兵已歷其境相隔一谷阿逆自
度力不能支因遣使詭辭稱哈薩克衆即欲擒獻阿逆
但其汗阿布賚未到乞暫緩師適以策楞獲罪命達爾
黨阿將兵前往我兵以逆賊在目前爭欲進促而達爾
黨阿以爲天朝當示大義彼既縛獻不宜加師
力阻衆兵徘徊觀望而賊得以索載遠颺矣

宰桑勤

王者見此笑以竊遂生輕我心旋師反又忽

時呢嗎哈薩克錫拉

皆已授職從征見達爾黨阿爲賊所賣笑其無能自哈
薩克還復生變計與巴雅爾莽噶里克等密謀搆亂以
害將軍計賺我和起奮勇沙場沒兆惠全師還則予命
和起

往接

將軍兆惠以孤軍遠駐伊犁聞呢嗎等作亂整師
東旋中途屢殲逆衆值朕命侍衛圖倫楚等率師

赴援乃得振旅而歸抵巴里坤

丁丑重問罪值彼互殘殺因緣撒納歸

遇我竄倉猝

諸將分南北兩路直指伊犁維時扎納噶爾卜殺其叔綽羅斯汗噶爾藏多爾濟欲

併其衆尋又爲台吉達瓦所殺而獻其首軍門時阿睦爾撒納復自哈薩克逃回伊犁聚衆爭長突遇我師跳

身遁

富德躡其後大宛徠汗血稱臣許捕寇寇更逃羅

刹富德追阿睦爾撒納適值哈薩克之兵而哈薩克畏我兵威稱臣貢馬且誓擒賊自效阿逆知不能免乃

奔俄羅斯俄羅斯一名羅義或曰羅刹

或曰不必追或曰不必索或曰捐

伊犁築室謀紛汨北荒守和議冥誅致賊骨伊犁倡亂

流大半就擒訖初議衆建侯爲撫四衛拉二十一昂吉

公屬掄閱

準噶爾厄魯特又名四衛拉特部內有綽羅斯輝特和碩特都爾伯特四族各領其

衆而綽羅斯爲長噶爾丹策凌時設二十一昂吉昂吉者部落之稱也爲其汗公屬達瓦齊既執歸京師於四部各封一汗而二十一昂吉則歸之公屬是予奉如八旗蒙古然仍擇其世族宰桑輩長之

天道好生體

造物詎知彼孽深歷世不可活以其狙詐類誠如向所

畫每歲費豢養終亦背恩後是傷我脂膏而育彼羽翼

不如反之速掃蕩今將潔黜獮肆惡流三氏淪亡歇噶爾

藏多爾濟被殺綽羅斯族殄滅無幾輝特汗巴雅爾亦以叛逆誅殛和碩特汗沙克都爾滿津心懷携貳恭贊

大臣雅爾哈善詢知異謀殲之於巴里坤外

餘都爾伯特始終守臣節所以

至今存耕牧安職殖其廿一宰桑非誅即病歿不善降百殃此理愈昭晰謂禍乃成福致得每於失幸以免衆議孰非

鴻佑錫設使司事者惟明更勇決萬全盡美善詎有小差跌都大承平久軍旅誰經歷益因警宴安求全肯過刻先是花門類襍種曰回鶻久屬準噶爾供役納程秸

羈縻其和卓

噶爾丹策凌先以兵威迫脅回人執其首長和卓拘繫於阿巴噶斯之部落以回民

分隸各昂吉下而役使之籠絡其臣妾我師定伊犁乃得釋縲紲我

將縱之歸撫衆許朝謁

和卓初聞大兵西伐獻款輸誠備極恭順我將軍班第等因縱

還故土俾撫馭其衆納賦執役

肉骨生死恩感應久不輟報德乃以怨

轉面凶謀黠我將所遣使百人遇害劇

和卓歸故域後我將軍等差副

都統阿敏道率百人往會盟而彼乃設計盡行戕害

是皆奉上命守義遭臬兀苟

不報其讐何以勵忠赤厄魯今蕩平回部餘波蕞徒以

守堅城未可一時拔賈勇誠易登傷衆非所悅中夜披

軍書萬里遙籌策窮荒信安用弦上矢難遏志因繼

兩朝變豈防一切

蒼靈賴有成浮論寧祛惑開邊竟無己自問多慚德但
思文子言解嘲守弗詩

馬和之荷亭納涼

繩牀寄傲獨支頤拂水荷風香且淒雖自高間隣簡率
注觀不擬是濂溪

雨

六月初
六日

陣雨夕雲零油雲夜更濃達晨縱萬筑遍野慰三農愛

聽全忘寐繼霑得幸逢尚期河水足尋念可從容

賦得驟雨打新荷

急雨過前川光霏吐藻蓮
瓣擎寒泚泚葉襯翠田田
日闕香爲界珠冠淨附蟬
一篇小石調萬柳衆賓筵
却暑非空色無塵祇靜便
設如擬君子人定是顏淵

偶倣錢選三蔬圖并題八韻

瓊芳貽舜舉可以注疏經
兩顆魚鱗紫茄一丸鴿子青

瓜書生原識味菜畫士善傳形
縹軸千年秘瑤箱幾氏

高江村今夢幻七字昔調停

是圖昔爲高士奇家物自題七絕三首意頗別有所

說何事不脛至偶然師意寧迎秋早呈實過雨自餘馨

學圃觀生趣還因悅性靈

復雨放言

六月初八日

協紀大雨應時行昨日間

去聲

作今盆傾望霈一滴亦艱

致既霑千里無留停急點欲飛空轉白沛勢少蓄雲先

青小箏大瑟鳴萬狀頃刻後湖漲影平我問苑卿水足

否報稱七寸添昆明尚餘尺二待繼澍果滿汝願將恐

下隰滂復成更悟器小斯易盈如彼渤海稽天之潦焉
能寸許爲之增

屋漏戲詠

積雨屋還漏干雲座暫移寧非攸除去聲地未免偶然時

毀瓦莫須有卑宮詎所知思量蓬華下咨怨固其宜

王蒙夏日山居圖

蒼山雅解朱明障灌木還饒翠陰籠結宇名符灤水上

圖中蒙自題寫於嘉樹軒灤陽別墅亦有此軒名予舊所題也

不因今昔辨殊同

夏日玉泉山

名山逾月未清遊，宵旰常懷望雨憂。詎止甘霖能起槁，

恰當長夏解消愁。亦來祈澤還歸去。

四月中亦時來叩龍祠求雨然一

到即歸都無游興

那似乘涼此重

去聲

留喜便吟詩吟便置何妨

萬景恁紛投

弄珠室得句

靈泉出山根有源應不涸而何偶遇旱其勢亦覺弱今
來經雨後魚眼何紛若形吐蚌萬千光翻鏡錯落圓流

溉鱗塍近遠農家樂是珠大利益照乘可捐壑

登玉泉最高處

玉泉最高處騁望遠彌恢過雨愁全洗清晨爽恰開肩
輿凡幾憇虛閣得延陪綠野農歡在青山畫意堆不過
消片刻何事起層臺留句白雲表今年初度來

練影堂

適從山頂望清泉俯澗底茲來堂中坐飛瀑乃仰視高
下何定形惟人執彼此誰能不拘墟將與談至理

含峭居

疏軒冠石石湖中翠壁朱闌詰曲通那許形容著筆墨
水晶闕裏玉玲瓏

題錢維城畫

萬木綠陰濃山重溪復重且拋水閣卷試策石崖筇戴
笠一野鶴飛泉雙白龍往尋洞府畔韓衆或相逢

恭奉

皇太后觀荷

霑霖宜夏賞延景奉

慈遊錦嶼芳常襲琳汀爽正浮招涼百琲綴却暑五明
收瓜是安期棗漏添海屋籌濯漣遯

懿矚接榜徹齊謳漫道依常例承

歡億萬秋

討源書屋對雨

昨日

慈輦扶賞荷今朝問

安仙苑過退即書屋理庶政密雲忽隱西山螺殿廷教

射有故事晝長值此幾暇多更番引見已頒勅院外早

則侍衛羅罷之翻塵勞來往寧趁未雨觀如何抨弦發

羽不數隊須臾飛點傾滂沱塞山較獵憶往歲

丙子秋日出塞

行圍成列而雨即於雨中較獵有詩紀事

習武那辭烝涉波中

去聲

的有賜視

各藝濕衣之賚仍同科

朝會遇雨往往賚及從官是日因較射澍雨露衣從臣及命中

者亦各賜紗

陡懷三軍冒炎潦不遑他矣攻蓬婆

雨中泛舟自討源書屋歸御園

較射金吾靈雨前
旌能行賞各無偏
昆明且置傳迴蹕
便放烟中順水船

永寧寺前淨植花
拂舟芳潤錦雲霞
水中卉且資靈雨
况是原禾與畝麻

三日晴曦鬱溽暑
淋漓嘉澍洗炎蒸
更欣水漲通舟楫
升斗當平市價增

唐寅彈琴客至圖

動撥四山響
客來初不知
非關相傲慢
一曲未終時

晚晴落照

夜雨亟優渥長此虞過多謂我近始慰寧知慰無何然
正應如是先憂忘則那卓午魚鱗輕傍晚爲明霞叶須
史霞更散遠滴西山螺蟬聲亮高樹魚戲動新荷蘭舟
候琳池聊以弄影娥

月夜泛舟雜詠

雨過河源爽氣鮮遊龍恰待液池邊月光波態皆如舊
瞥眼流陰又一年

停杯問豈李太白
憩榭翫殊謝惠連
可識玉娥都不管
光明萬劫界三千

蒼茫暮景暗遙山
橈泛澄瀛偶趁閒
蛩響螢光紛曲岸
秋消息已到人間

大暑日作

火伏朱明溽暑濕
暑猶可當濕毒亟
冰壺廣廈不延涼
雖有絺綌汗流汁
鬱燠炎膩酷無比
茆屋忽咨固其理
斡旋灰琯有權衡
此節過當立秋矣

周昉美人調鸚鵡圖

不用玉籠謝金鎖
稻梁馴那憶西秦
衷情默默未輕語
防恐無端惹主人

泛月

天心水面晚來清
荷芰香中素舸橫
影入樓臺涼自至
魄浮波浪體如輕
耐堪靜對宣毫把
陡憶遙懸刁斗明
傾耳西來佳信報
官軍即取庫車城

詠葫蘆筆筒

葫蘆筆筒予向日書几上日用物也棄置廿餘年
今偶見之如遇故人因成是什亦言志之意云爾

苦葉甘瓢祇佐飧縱然爲器乃壺樽豈知貯筆成清供

陡憶

含飴拜

聖恩

是器乃
皇祖所賜也

巧是鴻鈞能造物

韋蒂初生函以木范迨落實時各肖
形成器此製創自康熙年間而此筒

尤爲天
質完美

訓垂燕翼見銘言

筒上有陽文銘用成公綏經緯天地錯綜羣藝之句

錯綜不易

窮理境經緯何曾達
治源頌覺廿年成
夢幻那忘十載
伴朝昏猶然我也如相待
慚愧休爲刮目論

孔雀開屏

西域職貢昭咸賓

哈密以爲歲貢自康熙年間率如是

畜籠常見非奇珍

珠毛翠角固可愛
享卵成雛曾罕聞
數歲前乃育兩鷓

雞伏翼之領
哺噉淋滲弱質隨
雌雞老雀籠中情反逸
三年小尾五年大花
下開屏金翠
簸絳羽映日煥輝輝

園眼凌風張箇箇低飛嫩篠高屋檐繡翠雙窺玳瑁簾
招之即來拍之舞那慮翻翱翔嶺尖於禽亦識土產好
菁莪棫樸風人藻盈廷濟濟固未能離文竭覽慚懷抱
泛舟昆明湖觀荷效採蓮體

平湖雨霽漾烟波漲影含堤八寸過便趁心紆試沿泛
六橋西畔藕花多

蓮葉蓮華著意芳風過香氣滿池塘却饒木瀆將麩院
艷殺吳姬與越孃

舊時西海紀春明
擴展還教新與名
若把機絲徵故事
七襄滿眼是天成

不旁枝復不妖
花種得應從淨飯
家昨夜水仙出聽講
剛聞是妙法蓮華

景明樓賞荷

層構魏臨內外湖
兩湖霞錦一般鋪
名稱借得范家記

景概移來趙氏園

趙子昂荷亭納涼
圖藏石渠寶笈

瀉露珠傾下遊鯉

衝烟香散薦飛鳧
偷閒略賞還知愧
未信斯之敢宴虞

藻鑑堂

湖中之嶼構以軒廊圍池水澄碧連每來輒爲小憩延
架插縹帙三千篇翻閱首愧虞書論知人惟帝已其難
吁嗟藻鑑那易言

題春風啜茗臺

虛設無妨銚清游可當去聲茶恰如吟杜氏即是到何家
松籟沸如鼎荷香蒸作霞題詩著壁上藉以閱年華

無盡意軒

背山面沼一舟通
樸斲奚誇藻績工
氣象林巒雲出沒
心胷魚鳥水澄空
蜃窓竹籟伏中綠
鏡浦荷香雨後紅
茂對南薰能不樂
先憂轉覺慮無窮

倪瓚溪山圖

句時脫俗畫誠神
迂是天然懶亦真
不悟先生有仙骨
得皮饒得作狂人

即事

蜀楚農桑好
滇閩晴雨時
豫齊胥獲麥
江浙更收穀



價粵東貴旱灾甘肅竒言豐不言歉豈是治民宜

木如意

何代木如意靈華蘊靜腴宜哉伴蘭若惜矣擊珊瑚可
是齊賢物還如龍女珠指揮堪代語欲訥實從吾

乘涼

紗厨廣廈設冰槽綠樹重陰暑自逃却憶胼胝力農者
三耘曝背正劬勞

澄光閣

層甍出樹大溪橫，座俯滄浪可濯纓。
近遠波瀾呈震澤，

高低樓閣學天平。

是處畧做天平范家高義園爲之

春風秋月因心會

玉鏡冰壺徹骨清，臨水設云如畫舫。
載舟便以驗民情

荷香書屋

池上三間老池中，五沃繁花晨承露。
淨葉暑避風翻，最愛益清韻偶題，非綺言濂溪說曾讀，理趣至今存。

夜雨

六月二十五日

晴炎經數日夜雨，正宜時已見抽苗。
秀恰當結穗滋，籌

農惟額手憶遠未紓眉那有閒心緒芭蕉聽響遲

雨中泛舟至玉泉山

西山雲勢曉平鋪雨脚俄着落碧湖耐可衝烟木蘭盪
乘涼兼欲暢清娛

空羅乍密乍廉纖便濕生衣自不嫌背指界湖樓已過
虛窓誰爲捲珠簾

咫尺烟宮路不紆輕艫苑外候斯須子昂安得傳神筆
好作歸舟風雨圖

翠雲堂對雨

名山尋冒雨長夏喜乘涼園內此堂古庭陰雙檜蒼雲
容空翠合烟意遠峯藏且置登山屐怡情是縹緗

甄心齋口號

萬物備於我心實一身師欲問甄心者能甄心者誰

清音齋

石泉風竹是金絲每坐高齋一聽之今日清音有別調
綠蕉不語却能知

消夏八詠

有序

漏永長夏幾暇伏庚颺度北窓未肯羲皇寄傲爽
來西嶺詎耽山水怡情然而三農候值恢台兼逢
霽渥萬物欣歸茂對可罷毫濡寧惟寡太液之蓮
芳欲葺衆香爲國每一憩上林之樾蔭思開廣廈
庇人义手成詩曾匪弄月吟風而已寫心即景無
非較晴量雨乎哉有如勞者之歌夙戒靡馬之作
此日薰琴三奏叶聊資清暑新譚當年素繪甘章

成尚繼生秋舊句

披薰

泠泠習習爽而融爾許微涼殿閣中
虞帝撫琴早稱獨
唐臣聯句且難同
阜財解愠志誠有望若臨洋
歎莫窮
身是九重心萬戶
騷人滂自諷雌雄

望月

遍照三千與大千
虧盈無改靜娟娟
娟欲攬簾已半鉤
掛
不藉架常一鏡懸
滴博徇軍方閉壘
朱明清夜滂開船

洗兵佇待靖遐壤
冷露無聲奏凱旋

對雨

應節時行澤易流
膩雲低每覆樓頭
空纔明轉注如瀑
炎乍蒸隨颯似秋
稻黍霑膏遍高下
鷗鳧乘浪喜輕浮
未紓心事誰知覺
伏汎淮黃安妥不

赴涼

誰云廣廈不知暑
偶陟高臺亦赴涼
竹解納風還蔽日
心存無逸却非忙
收來荷露堪烹茗
伏出燕雛纔下梁

贏得晝長何所事重翻舊稿一商量

觀稻

艱難稼穡要須知引水開田物土宜
雨笠風蓑看早暮揮鋤負畚課耘耔
秧齊白鷺起飛翻月下烏牛罷喘羸
日日幽風圖對面范雲蕭緬藉奚爲

移竹

趁伏教移綠竹栽疏軒延得好清陪
雨中最易和根長月裏常看帶影來
踈密葉多防露態高低枝盡嘯風材

梓州臘月稱堪種南北暄涼有是哉

種竹必於伏中入秋即不可而杜甫

詩云東林竹影薄臘月更須栽南北風氣異宜有如此者然羣芳譜已辨其謬

聞蟬

道暑臨風立夕陽樹梢爭聽弄銀簧不飢飲亦惟清露
以脇鳴還帶峭涼宛轉流陰有底競徘徊傍晚得卿忙
隱情杜密譏劉勝我更因之取戒長

見螢

葦汀蒲岸碎流金是火寧防雨水侵月舫猶然飛熠熠

風簾無礙入深深
竅嫌蚊蚋煩
毆爵縱者虛空不類禽
已覺秋光劇滿眼
宜他陶侃惜分陰

御製詩二集卷七十九

欽定四庫全書薈要卷一萬三千四百七

集部

御製詩二集卷八十

古今體六十二首

戊寅六

七月朔日作

協律惟夷則載時屆素商步晨覺露重度水喜風涼樹
影增長蔭蟬聲紛夕陽情知秋信到婪熱審無妨

是日
午後

劇熱

早桂

臯塗送到一枝芳

臯塗精舍香山藏桂處也

滿目新秋滿意香繞樹

尋花花下詠孤他數載好風光

向每以新秋駐蹕香山輒至臯塗精舍覓早桂

亦頗留詠近年來以籌邊無暇而塞外賜宴遠夷率過花期而歸故戲及之

托和鼎行

我師攻圍賊庫車臨衝第第四面羅舊降伯克

回部中宰桑謂

之伯克

爲我用其名鄂對顯秩加

授職散秩大臣

備知彼中之形

勢悉告將臣防周遮托和鼎

地名

通塞里木

地名

賊來援者

所必過爰遣達克他那

藍翎侍衛名

瞭遂見踪跡詳寡多以

計誘賊賊遂至

達克他那緩行誘賊賊住亦住賊進則退遂引至近軍營處

請爲前

導勦賊窠發師順德訥

副都統領隊大臣

率往堂堂之陣誰逆

賊賊不自量犯兩翼兩翼飛馳張鶴鵝長箭大礮如雨
下狂狃奔亂氣消磨填溝受殺敢迴顧血流漂杵時無
何勦賊二千四百餘傷我十數忠堪嘉是爲狂狃第一
戰遂叨

天佑威荒遐軍書日馳六百里奏函夜至披衣視賜官
錫祿酬庸勲克城更待頒恩旨討逆伐罪非得已鯨鯢

京觀豈所喜

董其昌江山秋霽卷

慘淡秋光濯眼新
大癡昨夜入精神
思翁亦豈自譽輩

叫絕奚妨憶古人

見其昌
自跋語

日晶雲斂曉秋新
江若有聲山有神
一例鏡箋愛點筆
同然先得是伊人

雨

七月初
三日

德雨符秋月時晴未
一旬潤暄皆適可
禾黍倍精神敢

懈祈豐志益憐食貴民青黃猶未接出粟事平均

新穀未登

場市值稍涌命出官倉米分五城十廩減價平糶

和落霍漸行

今春我師勦逆夷首戰實和落霍漸斬將寡旗早報捷
酬勞頒賚已有差即今生解俘囚至曰渥赭特宰桑伊
散秩大臣曾授職乃敢倡亂如鴉鷁面詢彼所致敗故
咋舌惟歎天奪其彼衆猶有千餘騎覘知我寡設計竒
輜重遠行誘我逐層層伏賊據險官軍四百始馳至

少騎示弱山之陞我進彼乃蠡涌集銃礮如雨循環施
我軍曾無一傷者百靈擁護信有之衝鋒突入矢齊發
賊乃喪膽紛離披鹿墜隴種各逃命大鞞大膊張軍威
殲彼屍僵近四百負傷遁者數無此言是誠

天助額手慶奮勇要亦資人爲問率軍者其人誰超勇

親王家聲貽

將軍策布登扎布爲超勇親王額駙策楞之子其兄成袞扎布襲封親王策布登扎

布以奮勇著績爵封郡王亦賜號超勇

西直門外觀稼

逾月郊衢又不同
隰禾原黍鬱芄芄
可知待實期豐者
總在宵憂曉祝中

銅雀將鳴望好秋
憑觀信可畧消愁
問余愁果全消未
只待篝車報備收

新秋悅心殿

視朝有事法宮臨
路便先茲憩悅心
太液波瀾待風細
瓊華峰嶺入雲深
荷香過雨常來座
松籟生涼正滿襟
四壁詩題消歲月
祇贏幾點鬢霜侵

畫峯室

紫邏青縈戶外山畫情憑足悅幾間若於藝苑尋名氏
只在倪黃伯仲間

看畫廊

綠樹紅荷又一時爽風不斷鏡中吹恰如春夏秋冬畫
幅幅臨窓對景披

題抱素書屋

書齋顏抱素瀟灑得天然窓畫森踈竹階琴滴暗泉每

因悟禮後還與慎幾先略識葆光義南華齊物篇

韻琴齋

調軫拭徽都謝春溫廉折自呈惟是角徵關意未須雲
海移情

菴畫軒題句

適步讀畫廊高軒見菴畫來憑菴畫窓讀畫隔岸對彼
此誰主賓一例供清會景納春秋佳格突倪黃派想像
軒有言却不勞行邁

泛舟過御河橋至春耦齋

湯盪漿輕舟漾鏡空
石橋新葺飲長虹
芟除蘆葦滋荷芰
去惡興賢意寓中

豐澤園西池上屋
新名春耦每臨之
習耕罷固無多子
較雨量晴到此時

虛白室

石縫黃緣峭蒨烟
虛堂小座宛壺天
參差縱目琳瑯宇
瀟灑怡情翰墨筵
北戶真宜夏六月
南華恰是第三篇

個中應處上聲忘懷者我却先憂每怒然

結秀亭

亭臨七月驗幽風鋤雨犁雲凭覽中環秀當年定遠近

金史章宗紀承安元年六月幸環秀亭
觀稼日下舊聞採入當在今西苑地

幼農今古意還

同

王蒙秋山讀書圖

林靜山深結茅宇雅是幽人讀書所疑因風度聞誦聲
却不識爲何代語

初月

碧宇秋雲散新蟾見允方一彎懸玉玦片刻度宮牆眼
界思全體心期喜嫩涼西傾葱嶺外引我繫懷長

立秋

七月初五日

七月金行入今年秋信遲流陰那肯駐素節又如斯德

雨飄還霽

是日微雨即霽
爲立秋佳占

緒風爽乍吹對時謹平秩恭

已奉無私

朱叔重秋山疊翠

雲白林青鎖疊巒景窳趣永耐尋看大家李杜斯郊島
少見欣他瘦且寒

泛舟長河至樂善園二首

輕舟溯碧川秋曉氣澄鮮遇勝何妨止言尋屬偶然林
泉既幽靜座席得周旋却顧曾題句流陰隔兩年
來稀似初到去矣且教遲清閱孰過此雅宜亦在茲秋
蟬無俗韻喬木有踈枝應借高人隱吾安用爾爲

秋來八首 有序

皦令協時允行成物喜南訛之已秩嘉西爽之初

延聲在樹間肯襲摛詞於宋製涼生殿裏詎誇聯

韻於唐賢若乃撫序關心適會微雲纖月宣毫即

事無遺時卉候蟲天上七襄茲夕正當佳夕人間

一葉昨宵方度清宵而捷書尚佇回中每對關山

望遠夙駕將臨塞下毋忘獮狩行邊問三秋何處

來乎題目匪沿昌谷知八詠適然就耳體裁聊準

浣花

秋雲

紀瑞無煩太史書
歐陽賦裏偶遺諸
乍殊峯寫多奇狀
已讓河橫清淺如障日
幻爲晴與晦隨風閒
任卷還舒
蕭蕭幾點飛涼雨
應有人稱爲去聲洗車

秋月

晚來陣雨過河源
光滿窳空清滿園
石上藤蘿宛已映
琴中操弄略堪論
魄依碧落寒非濕
影入池塘淨絕痕
春月烟花秋月水
東坡未足號知言

後山詩話東坡春
夜對月王夫人曰

春月可喜秋月令人愁耳公謂前未及也
遂作詞曰不似秋光只與離人照斷腸云

秋河

三時常晦此時明耿耿依依空際橫星斗每從天上浴
波瀾不受世間驚蕭晨乍欲數峯隔殘夜猶聞雙杵鳴
只有黃姑心獨苦過來過去總傷情

秋風

一葉梧桐早識秋那堪水面復峯頭肩吾團扇懷長繫
叔夜橫琴音若流幾處關山猶遠戍誰家西北倚高樓

何人不有臨風句萬古惟傳杜甫愁

秋野

疏蕪秀草露珠明
寥廓蕭晨景最清
古寺僧閒安蝶夢
長途客起聽雞鳴
依依村圃纔除架
歷歷亭臯湯計程
只有此時心畧慰
黃雲近遠傍西成

秋林

濃綠初踈繼染紅
無邊秋意幾枝中
蕭蕭不礙延來月
策策還隨吹去風
何必生悲惟宋玉
已聞傳妙有關種

木蘭大獮千峯上開錦迴看氣最雄

秋花

夏秀宛看秋始華木英草卉總清嘉常饒白露續紛滴
不藉東風次第加曉砌丁星香最細月池藪約影偏斜
春園李杜斯郊島寒瘦何妨自一家

秋蟲

問爾不平平已不占他終古善鳴秋羈人旅館三更淚
弱婦深閨一縷愁老樹踈麻方寂寂庭陰砌角鎮啾啾

恰如永叔纔停筆四壁騰聲卒未休

狗彘行

小和卓木

其號

霍集占

其名

領兵來援圍城嚴先是其兵來

赴救托和鼎

地名

已二千殲逃生回者匍匐告昧死尚敢

潛窺覘城中知有賊接應借一出突施戈鋌綠旗圍城

腹背敵屹立不動戰方酣是時實賴愛隆阿

副都統領隊大臣

率千騎至皆奇男

吉林滿兵及索倫兵

橫衝截入亂狗陣斬將獲

醜如囊探狂狗難當復大敗東籠案角相藉撓毆至鄂

根河之側溺水斃者如眠蠶賊約五千三千死千餘戰
士威風添霍集占乃抱頭竄塞其大纛銅旗尖咳首五
色書旗幅不解其義言詁詁驛致既喜復致惜設執逆
首除凶儉徂惟求定靖遐壤止戈和衆吾方快

西北風

夜雨綿達旦踊慮爲秋霖午風轉西北其聲戛石金初
猶習習吹漸作蕭蕭臨萬竅各怒號同叶夷則音無物
可以當何有於密陰瞥眼天宇晶宜暘愜予心雖然敢

即逸捧盈惕彌欽

題馬琬秋山行旅圖

背負肩挑策蹇者紛紛名利各傳真徒觀贖首留名字

幸有當年說項人

卷中有其昌審定馬文
壁秋山行旅圖十二字

布魯特稱臣內屬遣使詣闕詩以紀事

有序

布魯特爲回部別族素與中土聲教不通比因逆
徇小和卓木背恩反覆戕我使臣既命將徃征屢
戰大捷而將軍兆惠亦以搜捕伊犁賊黨旋師會

勦道經布魯特界其酋長圖魯起拜等遮道呼籲
自陳向爲厄魯特所阻自外王化今西域蕩平所
部人衆皆願輸誠內屬並各遣其大首領馳驛赴
闕納款念此遐荒殊域固未脅以兵威亦非馭以
智術望風歸附情詞諄懇已允將軍等所請許其
携從入覲而并識其緣起如此

捷伐原因討逆徇仰流詎意遠人徠舊傳勃律兩王據

唐書西域傳有大小勃律王其地直吐蕃西去
長安八千里以方域考之即今布魯特部落
即見堅

昆一面摧

回部葉爾奇木哈什哈爾之地西即與布魯特連界今布魯特內附則已斷其一臂矣

厚徃薄來風早樹東鷄西鰈道方開不招不拒敷吾惠
王會何妨達九垓

幻花八詠用張鵬神韻

有序

空寧有色誰教佛座拈來幻豈非真漫倩封藩護
取顧造物元從無物而寓言肯滯名言是以白藏
霜鋪層層碧纈鄉林雨灑剪剪紅酣以至風漪浪
穀之騰文燈暈酒潮之散綺筆曾入夢丹黃匪色

相所呈心最通神杼軸自襟懷而出凡此清機並
引何關結習難忘縱煉火成芽已埽殷仙頑艷矧
沾泥比絮尤懲謝客浮華維侍臣舊樣曾描八篇
無妨製錦即藝苑新裁可就一疊聊藉書屏

霜花

灼灼裳裳玉有光盤鴉難上內人妝已看傍曉花如幻
欲笑迴空蜂枉忙青女女夷俱耐冷釋迦迦舍不關香
色空一合歸無迹底似凡英落自傷

雨花

烟片紛敷珠點微真香無嗅有芬菲
最宜潤景當簾織却異殘春作陣飛
何必指揮觀色相漫緣開謝悟因依
道場恰是維摩室不著文殊自在歸

風花

宋玉蘭臺品藻臺雄雌辨後探花回
迷漫解使千峯暗荏苒何曾鎮日開
五里張公稱意作旬餘列子滿身來
陸游詩本不經讀欲笑南華未是才

按陸游詩注風欲作則大霧充塞謂

之風花是風花本有其物鵬神詩但謂流風
落花合而爲一與餘幻花不倫矣故戲及之

浪花

轉蕙光風曲岸濱文章水面散紛緼詎關春信番番報
奚事羣芳色色分戢藻遊魚如隱葉掠波輕燕訝蒸雲
淨真不染嫋嬛氣漫擬宜圖六幅裉

燈花

速勝韓湘頃刻誇竒者火裏自開花欲啞陳氏栽文綺
似擬王公籠碧紗莖吐玉蟲蠕綴細蛾疑粉蝶撲飛斜

設云報喜事誠有便盼紅旗一片霞

酒花

金樽蕩漾坐花時

見李羣玉詩

潏灑中含淳淑姿紅綠都教

香是國東西揔以玉爲肌春非他也芳常住時復中之

趣自知何必生平不言酒魯共公論早曾披

余詩中不喜言酒茲

以用鵬種韻及之

筆花

垂露非秋自蔚霞管城無處不生花寧關木本寧草本

抑是江家抑馬家意
藥心苗常護養雲勾月抹任橫斜
雕章五色誰應伴紫殿還聞設九華

心花

四句金剛稱六如是花非密亦非疎
有如時雨沃之後更在三春開
以初潤玉輝珠寧貴艷課無責
有不隣虛夢華竭和詞臣韻憶舊
翻因偶不舒

馬遠溪山秋爽圖

渾厚尚傳北宋法
蕭疎已啟四家宗
愛者埽壘蟠青者

猶是萬松嶺上松

題藏紙扇

底藉裁紈可謝筠取材於古製從新綸巾諸葛殊先進
金粟如來是後身用李涼詎秋風將落莫團惟望月共
渾淪動搖不爲資清供欲扇淳風萬國均

泛月

襄雲向晚間婪暑依秋退望前傍下春昂首月已在三
時豈無月秋輪實可愛入波潑灑光盈手清涼界木蘭

著緩盪俯仰欣澄對岸蛩有颯音汀蓼多蕭態愜賞則
不無長夜風所戒眼瞥隱西山心共馳回塞

題竹繪屏

檜

貼箬栽筠作檜松天然益友欠梅逢介侯似向蒼官道
善寫丰姿却讓儂

竹

翦竹圖成幾枝竹龍文鳳影憂依依獉獉窓外初過雨

一即三身是也非

恭奉

皇太后口外行圍起程日書事

氣爽時當大獮候世平塞是外虞陸國朝武備千秋獨
仁祖勤勞萬禩貽

迤邐楊村復柳莊停鞭問瘼不妨詳老安赤保廬宵旰
萬歲千齡奉

壽康

金
卷八十
卷八十
黍隴未暎近熟秋實堅實好蔚如油可知夏五憂偏劇
纔博今來少釋愁

石槽行宮即事

庭樹綠籠檐砌花芳撲簾常時饒寂寞一晌候吟拈座
席惟秋展壁題逐歲添晚來殘暑劇思得雨驅炎

秋雲

秋雲含雨渾不定數里之間露否殊昨晚婪熱思湔灑
飛點未潤膚寸乎密陰東望濃霰霽了知行潦當前塗

朝來策馬不十里即遇泥濘艱行車僕御跋涉多苦狀
晚稼益沃歡農夫石槽田者不無向隅歎昨晚喜行路
者來試諸乃知人情萬態寧可一例俱博施濟衆堯舜
猶病矧吾馬有兩全圖

密雲行宮對月

過望小虧圓

時七月十七日

徘徊銀漢邊
最欣寒不濕
可以暑

全蠲踈樹迎光漏
閒花入影妍
玉輪猶早上
應惜孟秋

天

策馬

策馬跋蘭坂郵程率素知兒孫示勤勩

每歲秋蒐率命皇子皇孫等隨

圖示家法也

老幼切詢諮民隱呈幽野官方戒繭絲沿途看

好稼所喜畧於斯

南天門攬勝軒作

盤紆石路陟嶙峋攬勝還欣迴出塵何必林巖衛虎豹
居然尺五俯星辰雲軒峯嶺延遙近梵宇香花悅靜真
大士如如無色相却看歷歷往來人

出古北口

莫問臨洮及滄海愛看雲白與山青
出關爽氣迎人面
入畫秋光愜性靈
何代隄防此乘障
常時來往似行庭
可知守德勝守險
益凜冰淵祝太寧

常山峪行宮疊舊作韻

好山如活畫面
面向人前拱北近仙境

去避暑山莊
九十餘里

維

南帶古邊

古北口一帶
古邊界地

堂皇開太室
俎豆展賓筵
風自

無塵地雲猶歌
旦年騁懷真
致靜得句欲捐妍
最喜翠

微表洪崖可拍肩

軍書

軍書羽速至謂喜顧生恨言志兼紀事顛末必傳信先

是寡狃蠢將謂賊渠遁茲因沙雅降

雅爾哈善等先以迎勦霍集占殲衆

寡旗狃酋免脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後乘黃夜遁去諸將並未追擒情節歷歷叙明伯克親詳訊始知霍集占來救

庫車因爲我兵所截入城欲伺釁合力旋突出被遮復挫韌乃率四百騎夜出身免愁咄哉堪扼腕選將吾未

慎失機有如此是豈踈防僅譬鴞自投羅解放翻成吞
夷考自軍興誤事率臣蓋徒憐諸士卒奮勇冒白刃賴
天雖有成決策屢多悶自責不知人追敢弛國憲

灤陽別墅

叢樾中間得路便虛窓四啟眇青蓮可知秋景會今日
未到巖齋又二年

去歲經此
未駐蹕


天淡雲閒常不改蝶黃花

紫自相憐何妨傍午還餘熱松下風來便颯然

題小金山

翁然嘉蔭入林間一朶芙蓉頂結廬既豁而寡宜眺聽
匪今伊昔閱居諸來原揭爾去無約下是滄江上碧虛
浮玉昨年同異處澄觀了不可分疏

御製詩二集卷八十



總校官庶吉士臣侍朝

校對官中書臣馮培

謄錄監生臣任頴